

日本漢文學百家集 35

王焱
編



YSP
北京燕山出版社

王焱 主編

日本漢文學百家集
35



北京燕山出版社

第三十五册

舜水先生文集 卷九至卷十九 朱舜水著 正德五年

.....
—

舜水先生文集

九

啓揭

舜水先生文集卷之九

門人

權中納言從三位西山源光圀

輯

男權中納言從三位

綱條

校

○啓

與源光圀啓十四首

伏_レ目_〇啓_ニ宇_ヲ於_レ東_ニ正_ス青_ク社_之攸_ヲ寄_ル建_テ中_ヲ爲_ス極_ト奠_ム
赤_ク子_ヲ於_レ咸_ニ寧_〇雖_ニ繼_テ世_ヲ日_ヲ守_ト其_ニ成_ヲ實_ニ創_テ業_ヲ而_レ垂_ニ
其_ニ統_ヲ愚_ク民_ニ誠_ニ難_ク與_レ慮_レ始_〇識_者先_ニ知_ル其_ニ克_ク終_ト怵_ム
舞_情深_ク揄_揚莫_レ罄_〇恭_惟上_レ公_閣下_レ文_事武_備

學優行成。仁義裕於天常。孝弟誠堪世則。爲子爲弟。爲叔父。貴無匹於當今。敬賢敬德。敬多聞。法可傳於來禩。慈惠之聲。日遍宇下。憂勤之志。夕惕胸中。茲適孝思之有終。正當訪落之伊始。萬民已安於衽席。一心若納諸溝中。非爲號令之一新。改其舊政。但使整齊其已甚。濟此徽猷。欲臻美大之觀。聿新庠序之教。成德有造。壽考莫踰於西伯。制禮作樂。達孝欲協於周公。誠得絃歌徧於一國。竝看仁

宜思變答之故。深圖消弭之方。問民疾苦。弔其災傷。固曰今時之急務。雖有凶荒。邦無捐瘠。必咨他日之遠猷。之瑜悲閔。填胸情辭。莫達君上。璣衡在手。運掌無難。伏冀推此微誠。臻於至理。悟已往之不諫。念將來之可追。苟晴霽之有期。即車驅之夙戒。瞻顏在近。披素非遙。臨啓可勝皇皇戰慄之至。

三

本月二十八日。承賜土筆壹管者。伏惟天有

文。土有筆。遂生天地之文章。媿之瑜。誦其詩。讀其書。多昧詩篇之草木。樹夷齊之堂。清均薇蕨。錫韓侯之命。旨類荀蒲。物其多矣。維其時矣。中心藏之。何日忘之。祇此聊叙。謝悰。未足敷宣德意。

四

本月十五日。承命使臣問疾。兼賜楊梅壹籠者。視疾辨乎朝暮。知君子無所不用其心。體恤極于纖毫。顧鮪生有志難稱其報。又且錫。

之果核。共詫希奇。赤玉盈盤。色映含桃。而較勝。火齊甫嚼。液饒脂李。而尤其。豈獨是德祖家珍。彷彿見故園風味。沁脾滋血。療疾爲丹。感激恐惶。先此陳謝。

五

本月十一日。儒臣野傳自南山奉命。賜巨鳳凰帳壹頂。豕肉壹肩。鹿腿壹肘。且諭曰。嚴寒保護之意者。之瑜體癡。而識未達。志大而言不文。飲啄欲異。夫羣鷄。鍛翮無殊於凡鳥。每

念牛衣之卧。猥懸鳳帳。而棲守成。無藉於籌。惟忠愛迫。殊乎入幕。羽儀可待。行將叶夢於明王。德音莫違。快覩覽輝於上國。大爲覆幬。固知峭刻砭臍。無因而侵冒。深藉帡幪。特患浸潤膚受。玩忽於卑微。敢不體保護之深衷。然莫改踈虞。而率性。况復佐之。呂生彘之肩。重之。呂。蛙。鹿之足。拜嘉重復。曷既披宣。臨啓可勝踴躍歡抃之至。

六

本月初九日。微聞小恙。即遣使臣致問。順攜
百卉。詢名。拜賜。天鵝壹隻者。伏日。幾務不必
殷繁。綢繆當先。桑土。軍國雅無缺漏。睿思恒
及。細微。暑扇之不揮。日旰而忘食。惕厲不遑。
憂勤無逸。太庖錫夫。精膳良醞。繼日醇醪之
紀之綱。有攸暨之卿士。識大識小。無夙退之
大夫。念茲蒲柳之姿。蚤頒居息之令。職勞職
逸。既非輔弼之風。坐論作行。豈協公孤之義。
禮甚優而罔極。朝未罷而先歸。乃復厪使者

之車將申重一體之語。自揆厥衷。何日爲報。
恥小言而膺大祿。執瓦釜日薦奇珍之瑜。起
舞不辨商羊。貫矢奚知陳隼。菽麥不分。何異
曾參之種米。馳驅多失。居然孫叔之乘軒。乃
希化被草木。不恥詢于芻蕘。豈爲人君矜博
雅之名。將使天下無棄遺之物。植之階除。則
天地爲咸。若之生。收之藥籠。是苑囿有留香
之草。伏願攬乾綱而獨斷。綏愚民於樂成。儻
聞閭之疾苦。纖悉必聞。則堯舜之雍熙。且暮

可遇。謹遵成命。未敢躬趨。肅具謝辭。藉爲上
復臨啓。可勝歡欣感激之至。須至啓者。

七

恭惟。沼囿。乃觀遊所。時有。與民偕樂。則爲靈。
燕會。亦慈惠之恒情。奉三無私。而稱勝。詠物
華乎天寶。翫美景于良辰。茲蓋伏遇。水戶侯
宰相上公。閣下。恩均。化育。德洽。陽春。興發。遍
於域中。黎庶。忘阻饑之厄。補助。周乎四境。蒼
生。賴回天之功。於是乘時。行樂。陟卷阿。而矢

伴與之音。遂欲一視同仁。丞吉士曰。繼優游
之躅。瑜誠無似。眷顧尤深。屈公侯之尊。曰。隆
寒士處。理道之最。而啓後人。縱觀名園。流連
勝境。瓊花夾道。鬪瑤英。而霏玉屑。琪樹成林。
縱黃金。曰。儼蟪玳。濟楚肆筵。貫魚銜命。池凝
碧落。披載籍于東方。酒滴葡萄。來醪釀於西
域。事事咸留清思。一一盡發淵衷。身進食飲
者三人。千古僅聞周公之美。躬親饋酪者數
矣。一介敢矜。桓子之蒙。在之瑜深。慚叨濫曰。

非宜。聞上公方責有司之失序。况值王朝聘
問之日。適當勅使旅見之時。百執已夙戒於
階墀。主君宜寅清。而晉接大抵意必移於尊
重。而乃神專屬於卑微。在昔方策。夸談雅意
疑多溢美。於今躬逢盛典。始知未盡鋪張。勒
之丹衷。佩殉白骨。藏諸篋笥。留貽子孫。猶祇
宣附史官。昭明奕世。尚當播揚輿誦。作則遠
方。但恐禮儀率度。如椽之筆。莫既形容。誠懇
誕將。載道之碑。難傳萬一。伏願兼備七經。篤